

Suliassani meeqqanut inuusuttunullu tunngasuni sulianik ingerlatsisarnerup pitsaanerulernissaa qularnaarniarlugu angajoqqaatut oqartussaassuseqartunik, angajoqqaatut oqartussaataasunik akuersissuteqarnermillu nalunaarutitik qitiusumik nalunaarsuiffimmik isumannaatsumik pilersitsinissamut suut aporfiunersut pillugit UPA2025 nallertinnagu nassuiaasiornissamik Naalakkersuisut peqquneqarnissaannik Inatsisartut aalajangiiffigisassaattut siunnersuut. Nalunaarsuiviup pilersinneqarnerata ingerlanneqarneratalu qanoq akeqarnissaannut naatsorsuinernik nassuiaat imaqassaaq.

(Inatsisartunut ilaasortaq Anna Wangenheim, Demokraatit)

Meeqqat immikkut pisariaqartitsisut piaarnerusumik kinaassusersillugillu misissorneqartarnissaat qularnaarniarlugu perorsaanikkut tarnikkullu siunnersuisarneq (Misi/PPR) eqqarsaatigalugu kommunit suleqatigalugit nunamut tamarmut najoqqutassianik pilersitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Anna Wangenheim, Demokraatit)

Kommunini inunnik isumaginninnikkut sagsbehandlerit ikippallaarneri, suliassallu amerlavallaarnerisa aaqqiivigineqarnissaat pillugu Naalakkersuisut nalunaarusioqqullugit Inatsisartut aalajangiiffigisassaattut siunnersuut. Nalunaarusiaq UPA2025-mi agguanneqassaaq.

(Inatsisartunut ilaasortaq Bentiaraq Ottosen, Atassut)

Siullermeenera

Inatsisartunut ilaasortap Anna Wangenheim, Demokraatit siunnersuutai marluk immikkoortoq 120 aammalu 121 taamatullu Inatsisartunut ilaasortap Bentiaraq Ottosen, Atassut siunnersuutaanut immikkoortoq 138, siunnersuutit taakku pingasuusut ataatsimut oqaluserisassanngortut pillugit Naleqqamiit siunnersuuteqartut siunnersuutaannut qujassuteqarfigalutigit imatut Naleqqamiit oqaaseqarfigissuagut.

Siunnersuut immikkoortoq 120

Meeqqat inuusuttullu tarnikkut timikkullu nappaataannik misissuisarneq katsorsaasernerlu pillugit qanoq naleqqunnerusumik sunniuteqarnerusumillu isumagisarsinnaanerivut pillugu ukkatarinnittoqarnissaanik Anna Wangenheimip siunnersuutaanut paasilluarparput, siunnersuutigisamini meeqqat inuusuttullu tarnikkut timikkullu nappaataannik katsorsartisartinnissamut misissortinnisamullu sivirusallaamik utaqqisarnerat akuersaarneqarsinnaanngilluinnartoq pillugu saqqummiusnaanut Naleqqamiit isumaqataalluinnaratta oqaatigissarvarput.

Meqqat inuusuttullu pillugit pisortat ingerlataanni taamatullu ataatsimut inuiaqatigiinni akisussaasuusut tamarmik ataqatigissaagaasumik suleqatigiinnissaat pingaaruteqarluinnartuuvoq taamaammallu allaffissornikkut kommunini peqqinnissaqarfmmilu qaffassaataanngitsumik aaqqisoqarnissaanik Naalakkersuisut oqariartuuteqarnerat Naleqqamiit isumaqatigalutigu sullisseriaatsinik ingerlanneqareersuni pitsanngorsaataasumik suut allanngortinneqarsinnaanersut misissorneqarnissaat pitsaanerusutut aaqqiissuteqarnissamik siunnersuummut naaperiaaneq Naleqqamiit tapersorsorparput taamatullu Naalakkersuisut allannguutissatut siunnersuutaat tapersorsorlutigu ataatsimiititaliami susassaqartumi suliarineqarnissaa innersuussutigaarput:

Meeqqat inuusuttullu pillugit suliani sukkanerusumik sullissinissamut sunniuteqarnerusumillu

misissuillunilu katsorsaasarnissamut suut aporfiusarnerut pillugit UPA2025 nallertinnagu

Naalakkersuisut nassuiaasiornissaat pillugu Inatsisartut aalajangiiffigisassaattut siunnersuut.

Immikkoortoq 121

Taamatullu immikkoortoq 121 meeqqanut immikkut pisariaqartitsisut sammineqalersinniarlugit siunnersuutip aappaattut, Anna Wangenheim, Demokraatiniit saqqummiussaanut meeqqat immikkut pisariaqartitsisut piaarnerusumik kinaassusersillugit misissorneqartarnissaanik qularnaarniarlugu sulisoqartanissaanik siunnersuuteqartup ujartugaa paasilluarlutigu ilisarisinnaaqaarput.

Perorsaanikkut tarnip pissusaatigut siunnersuineq/MISI (MISI/PPR) 2012-imi januarip aallaaqqaataani akissussaaffigitinneqalersimasoq meeqqat aturfiani meeqqat pisariaqartitsisut eqqarsaatigalugit immikkut iliuuserisartagaat immikkut ittumik atuartsineq taamatullu immikkut ittumik perorsaanikkut ikiorsisarneq Namminersorlutik Oqartussat nalunaarutaat nr 21. 8. December 2017-imeersoq naapertorlugu ingerlanneqartartut pillugit suliariaatsit ingerlatsinerillu ullutsinniit pitsaanerusujussuusariaqarlunnartut Naleqqamiit isumaqarfigaarput.

Sulisut akisussaasuusut sineriammi suliaqartut tamaviaaraluarput, kisiannili sulisut akisussaasuusut nalilersuisartuusut piffissaq atortagaat annertuallaarujussuortoq siunnersuuteqartoq taperserlutigu ujartugai paasisinnaalluaqaarput.

Pisariaqartitsillutik paasiniaaffigineqartussat sukkanerusumik kiffartuunneqartariaqarput taamatullu nassuiaateqarfigineqarnerat iliuusisamillu pilersaarusionsuarfigineqarnissaat suliaqartut tamarmik akornanni taamatullu pisortat oqartussaasut immikkoortoqarfiillu oqartussaasut akimorlugit suliasaqarfiit tamarmik assigiinngitsut suleqatigiinnerullutik paarmaarussinerusarnissaat pingaarteqartorujussuaq siunnersuuteqartup qa qiligaa piffissaq eqqorlugu piiartumillu iliuuseqartoqartarnissaa eqqarsaatigalugu siunnersuutigineqartoq perorsaanikkut tarnikkullu siunnersuisarneq (Misi/PPR) eqqarsaatigalugu kommunit suleqatigalugit nunamut tamarmut najoqqutassianik pilersitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut tapersersorparput najoqqutassanut ilanngullugu iluuserineqartussat suliarineqartarnissaat ilanngullugu naammassineqartarnissaat

qulakkeerneqarnissaat eqqarsaatigalugit ataatsimiititaliami susassaqtumi sukumiisumik suliarineqarnissaat innersuussutigaarput.

Naalakkersuisut allannguutissatut siunnersuuteqarput siunnersuutaallu ilanngullugu ataatsimiititaliami sukumiisumik nalilersorneqarnissaa Naleqqamiit kaammattutigaarput, taamatut siunnersuut oqaaseqarfigalutigu ataatsimiittialiaq sulilluarnissaanik kissaapparput.

Immikkoortoq 138

Immikkoortoq 138 tassalu kommunit isumaginnittoqarfinni sulisukinnertik peqcutigalugu suliassarpassuaqarnertik unaminartittaraat taamatullu suliassat amerlavaalersimasut aaqqiffigineqarnissaat pillugu Naalakkersuisut nalunaarusioqqullugit Inatsisartut aaliangiiffigisassaattut siunnersuut upernaakktu 2025-imi agguanneqartussamik Nalunaarusioqquneq Atassut sinnerlugu Bentiarq Ottosen siunnersuutaanut Naleqqamiit imatut oqaaseqaateqarfigissavarput.

Kommunini inunik isumaginninnermi suliaqartut ataatsimut tamarmik isigalugit ilungersunartumik inissisimaffiupput politikkikkut qanoq iliuseqarfigisariqarluinnartut sulisut ikipallaaginnanngillat suleriutsit naleqqussartussaapput suliallu sukkanerusumik suliarineqartarnissaat aqcutissigassaapput ataqatigiissarinerillu suliassarujussuusut Naleqqamiit isuamaqarfigaarput.

Pisariaqarluinnarpoq qanoq iliuseqarnissaq, pisariaqarluinnarpoq kommunini akisussaaffiit nutaamik eqqarsarluni aaqqissuussiffiginissai pisariqarluinnarpoq sulisut artukkersimanerat qaangerniarlugu qanoq iliuseqarnissaq taamaammat siunnersuuteqartutuut Kommunini inunnik isumaginninnikkut sagsbehandlerit ikippallaarneri, suliassallu amerlavallaarnerisa aaqqiivigineqarnissaat pillugu Naalakkersuisut nalunaarusioqqullugit suliaqassasut qanoq iliuusissamik pilersaarusernermik atornerqartussamik

Taamatut oqaaseqaateqarluta ataatsimiititaliamut suliassanngorlugut Naleqqamiit innersuussutigaarput.